

清初名儒年譜

陳祖武先生選
清人年譜系列

◎本社影印室 輯

◎北京圖書館出版社

陳祖武先生選
清人年譜系列

◎本社影印室 輯

◎北京圖書館出版社

清初名儒年譜

⑫

稼書先生年譜

男 宸徵

同輯

子壻李 鉉

明崇禎三年庚午

是歲十月癸亥先生生先生諱龍其後避嫌名改諱隴其字稼書浙江平湖人爲忠宣後裔六世祖仰春公始居柳濱去縣治東北四十里築堂名三魚故址猶存封公諱標錫字叔因前母鍾孺人繼曹孺人實生先生

八年乙亥

是歲先生年六歲入小學師邑庠生彭元瑞見先生

全言
端重不佻卽以大器卜之

十三年庚辰

是歲先生年十一四子五經俱卒業塾師因授以左氏內傳節文先生暮歸必向封公問其詳封公具以告先生卽私覓全本悉讀之封公嘗手錄古文數千紙授讀旦暮自爲講解故先生幼年爲文原本經術綽有才情儕輩莫不傾服

十四年辛巳

是歲先生年十二更師邑學生朱雲曾處士公亮長君也公亮見先生德器粹然決其異時必以大儒名世遂以女許配焉

十六年癸未

是歲先生年十四丁母曹孺人憂辟踊哀痛不異成人蓋天性然也見者無不嘆息感動

本朝順治元年甲申

是歲先生年十五時兵荒相繼盜賊竊發先生隨封公倉皇奔避而讀書仍不輟

七年庚寅

是歲先生年二十一先是己卯歲先生伯父墨濤公名燦崇禎甲戌科進士爲濟南府司李闔門殉節先生痛傷之卽有隱居教授之意逮是嘉善明經蔣文琢延訓其子道隆先生曰是吾志也遂慨然就焉

八年辛卯

是歲先生年二十二嘉善處士李荆璞延訓二子館於危樓下因作危樓文以見志

九年壬辰

是歲先生年二十三正月就朱公亮家成婚十二月

長女生後適金山衛庠生李鉉

字枚吉

十一年甲午

是歲先生年二十五嘉善李赤茂延訓其子光堯應機

十三年丙申

是歲先生年二十七補本邑弟子員時學使者爲谷

公應泰

十四年丁酉

是歲先生年二十八時因不得志於有司下帷讀書
取大全諸書反覆參訂自謂得其要領因云大丈夫
生斯世攬轡澄清非異人任今日之憂豈爲溫飽哉
又云自量學業非能過人則貧賤不爲不幸此囊螢
映雪之日非怨天尤人之日也九月書籍爲遊兵所
掠自訟云書曰天錫禹洪範九疇夫能行疇範之道
者乃錫以疇範之書我實不能故天靳之十月次女
生後適本邑庠生曹宗柱十一月歲試取一等二名
補廩膳生谷公評其文曰胸無寸書見不類字便如

爰居之駭鐘鼓矣磊落英多我正以不類賞子

十五年戊戌

是歲先生年二十九復館於李氏點定四書大全標其精要採蒙引存疑淺說說約諸書之醇者附焉凡六年書成卽先生所稱舊本大全是也有序載文集中秋作銘以自警曰洪範六極弱居其一所貴讀書變化氣質當斷不斷爾自貽戚又曰生者待汝養死者待汝葬天下後世待汝治汝無或輕爾身以殉無涯之慾而喪厥志又因人言而自反曰自覺克己復禮主敬行恕之學相去天淵朝夕而思之數日而批點之墨未乾而忘之謂之何哉

十七年庚子

是歲先生年三十一婁邑處士周孟韜延訓其子纁
凡三載二月子定徵生

十八年辛丑

是歲先生年三十二作告子陽明辨語載衛濱日鈔
後□□□先生見而嘉嘆以爲篤論

康熙元年壬寅

是歲先生年三十三纂輯明季四書講義先生之學
由博而入嘉隆以後講章雜出如翼註講意家訓說
統析疑竇合註見聖編不下數十家去其繆戾其可
以發明章句集註者悉採之然常自言此書所取甚

雜若中無定見聞之易惑故不輕以示人蓋先生未
定之書也晚年有志於困勉錄之作而未就後及門
因卽以此書當困勉錄云

二年癸卯

是歲先生年三十四本邑孝廉倪公貞吉

名鍾瑞

延訓

其子淑則

字貽孫

賓主相得甚歡館於倪者凡七年倪

君得先生指授篤信謹守好學不倦爲及門之冠云
先生以習制舉業者風氣日靡非先民八股矩矱但
可謂之四擲而已因力追王唐馮顧諸大家之文而
得其神妙故所著全稿理眞格正視初年雄奇放胆
之文不侔矣

三年甲辰

是歲先生年三十五纂輯性理等書時制科改八股
爲策論先生究心性理大全大學衍義補文獻通考
等書手自抄撮彙爲一編非僅空言可資實用

五年丙午

是歲先生年三十七鄉試中式第九名

主考張公玉書江南丹徒

人劉公廣國湖廣潛江人房考程公伊湖廣蘄州人公車北上凡所過之地必

詳誌其道里遠近及所轄界址至古蹟所在尤詳其
說載日記中

六年丁未

是歲先生年三十八下第出都由水路南旋於水道

之源流漕運之同異及名人古蹟無不謹誌其隨處
留心經濟如此歸仍館於倪氏下帷讀書無異諸生
時宅南二里許爲江浙往來孔道以其逼於泖也邑
令於冬月設柵以固往來客舟俱從他道行有上洋
客私越焉里民因窘之客計無所出餽以舟之所有
乃得免先生曰是所謂牽牛以蹊人之田奪之牛也
諭里人還其所餽之貨客感激涕零而去

七年戊申

是歲先生年三十九六月因地震究心天文九月子

宸徵生

八年己酉

是歲先生年四十再赴公車

九年庚戌

是歲先生年四十一會試中式第三十五名

主考魏公齋介

直隸栢鄉人龔公鼎華江南合甌人田公逢吉山西高平人王公清山東海豐人房考陳公肇昌湖廣黃

人三月朔

殿試第二甲第七名

賜進士出身

十年辛亥

是歲先生年四十二輯四書講義續編取石門□□

□甬上仇滄柱之說爲多其有可商者亦必以己意

折衷之他如張爾公大全辨熊伯甘四書繹刁蒙吉

四書翼註等書中有不背於傳註者例得附採焉

十一年壬子

是歲先生年四十三夏訪□□於禾郡彼此恨相見之晚一時往復皆關學術人心詳衛濱日鈔中遂輯問學錄嘉隆以來陽儒陰釋之學悉剖其同異而學者得不惑於疑似之見矣

十二年癸丑

是歲先生年四十四評定戰國策先生病近來選左傳者任意刪節使學者不見全經因手錄左傳授長子定徵至是乃選國策五十篇以編年次其先後加以評論名曰去毒嘗語彭黃門無山名鵬曰此書之作

頗屬愜意以其大有關於世道也有序載文集中

十三年甲寅

是歲先生年四十五定先正一隅集時定徵將有事於舉業乃以是集授之文僅八十餘篇欲其既曉入股法脈仍專力於經史古學也有序載文集中十一月戒酒先生素能飲以仲弟尙桓困於酒而墮河遂書戒酒二字於壁以身率之後仲弟歿終身不復飲云

十四年乙卯

是歲先生年四十六三月赴部謁選補江蘇嘉定知縣與西人南懷仁講歷法詳日記中七月赴任以興

利除害移風易俗爲已任冬遇

覃恩封父爲文林郎贈母俱爲孺人十二月葬祖父泰交公及伯父墨濤公衣冠於餘圩墓左

十五年丙辰

是歲先生年四十七冬都御史魏公環極

名象樞山西蔚州人

以疏薦公與先生素不識面是年春以詩遙寄有吏道雖云雜天下豈無人及盥手贈荒言始終願自珍等語至是會推福建按察使

上命選天下賢能愛民之官不拘資格擢用魏公遂以先

生薦巡撫慕天顏與先生齟齬疏請更調部議引才

力不及例降級調用

按先生治膠兩載善政善教不勝枚舉姑取一二附識於此有

大賈汪姓者素交結長吏橫行邑中其僕奪賣薪者妻前令曲庇之至是賣薪者來控汪不能匿勒還賣薪者人無不可自新何恐焉汪感泣改過又大場鎮民有兄貧貸弟不應舁弟物去弟賄巡檢司以盜報訊之乃其弟嬾翁所爲遂痛懲之呼弟曰彼兄也乃以爲盜不悌也責之呼兄曰汝爲長不能自立陷弟不悌亦責之咸感服而去有告子不孝者先生自訟曰我德薄令汝父子至此因委曲曉譬父子俱泣乃遣之有富人欲重懲貧民署其牘云富人懷德輸面貧人之肌膚亦肌膚也後富家懷德輸面獨先體金氏女幼孤育於舅氏陳生其族人也官印結卽捐俸訟之令不能爲力也候其來取地方官印結卽捐俸入其文申請卒歸陳生按東江俞倩有練川遺愛笑事其一人嚴法度蒞政之初自朝至夕齋莊嚴肅言不以假人羣下望若神明然處事和平發言詳審人又服而愛之其二勤政事因鼓而起籤書待旦辰出理事或至日旰不食夜深而息規畫明發諸務無留滯一義未安終夜不寐其三善催科於初限悉進而命之日錢糧者朝廷之國課非縣官之私蓄爾民能急公身家快樂縣官亦得安逸有工夫做好事以加於百姓與爾非怨讐何苦日行杖責況一枝責必